

ბ რ ძ ა ნ ე ბ ა

29 ივლისი 2019 წ

თბილისი

№ 108/01

2019/2020 სასწავლო წლის შემოდგომის სემესტრიდან თბილისის სახელმწიფო სამედიცინო უნივერსიტეტში სხვა უმაღლესი სასწავლებლებიდან სტუდენტების მობილობის ორგანიზაციულ-სამართლებრივი ღონისძიებების განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის, თბილისის სახელმწიფო სამედიცინო უნივერსიტეტის წესდების მე-14 მუხლის, საქართველოს განათლებისა და მეცნიერების მინისტრის N10/ნ, 04.02.2010 ბრძანების, სსიპ - განათლების მართვის საინფორმაციო სისტემის უფროსის N1.1/90 (17.07.2019წ) ბრძანების შესაბამისად, 2019-2020 სასწავლო წლის შემოდგომის სემესტრში თბილისის სახელმწიფო სამედიცინო უნივერსიტეტში სხვა უმაღლესი სასწავლებლებიდან სტუდენტების მობილობის ორგანიზაციულ-სამართლებრივი ღონისძიებების განსაზღვრის მიზნით,

ვ ბ რ ძ ა ნ ე ბ ა :

I. 2019/2020 სასწავლო წლის შემოდგომის სემესტრში სხვა უმაღლესი საგანმანათლებლო დაწესებულებებიდან თბილისის სახელმწიფო სამედიცინო უნივერსიტეტში გადმოყვანის წესით სტუდენტთა ჩარიცხვა განხორციელდეს დადგენილი წესით რეგისტრირებულ და გამოქვეყნებულ უნივერსიტეტში არსებულ ვაკანტურ ადგილებზე, მათ შორის:

- 1) დიპლომირებული მედიკოსის საგანმანათლებლო პროგრამაზე (ერთსაფეხურიანი სამედიცინო განათლება):
 1. ქართულენოვანი სწავლება - 10 ადგილი;
 2. ინგლისურენოვანი სწავლება - 20 ადგილი;
 3. რუსულენოვანი სწავლება - 5 ადგილი;
- 2) დიპლომირებული მედიკოსის ამერიკულ საგანმანათლებლო პროგრამაზე (ერთსაფეხურიანი სამედიცინო განათლება) - 5 ადგილი;
- 3) დიპლომირებული სტომატოლოგის საგანმანათლებლო პროგრამაზე (ერთსაფეხურიანი სამედიცინო განათლება)
 - დიპლომირებული სტომატოლოგი ქართულენოვანი - 50 ადგილი;
 - დიპლომირებული სტომატოლოგი (ინგლისურენოვანი)-10 ადგილი;
 - დიპლომირებული სტომატოლოგი (რუსულენოვანი)-10 ადგილი;

- 4) საზოგადოებრივი ჯანდაცვის საბაკალავრო პროგრამაზე - 30 ადგილი;
საზოგადოებრივი ჯანდაცვის და მენეჯმენტის (ქართულ-ფრანგული) საბაკალავრო პროგრამაზე - 10 ადგილი;
- 5) ფარმაციის საბაკალავრო პროგრამაზე (ქართულენოვანი) – 30 ადგილი;
ფარმაციის საბაკალავრო პროგრამაზე (ინგლისურენოვანი)– 15 ადგილი;
- 6) ფიზიკური მედიცინისა და რეაბილიტაციის საბაკალავრო პროგრამაზე – 30 ადგილი
- 7) საექთნო საქმის ბაკალავრის (ექთანნი) საგანმანათლებლო პროგრამაზე – 5 ადგილი;
- 8) საექთნო საქმის ბაკალავრის (ბებიაქალი) საგანმანათლებლო პროგრამაზე – 5 ადგილი;
- 9) სამაგისტრო პროგრამაზე:
 1. „ ჯანდაცვის ადმინისტრირება და მენეჯმენტი“ -3 ადგილი;
 2. „საზოგადოებრივი ჯანდაცვა“ 1 ადგილი;
 3. „ კლინიკური ფარმაცია“ 1 ადგილი.

II. გადმოყვანის წესით ჩარიცხვის მსურველმა თსსუ-ის შესაბამისი ფაკულტეტის დეკანატში **2019 წლის 9 სექტემბრის ჩათვლით** უნდა წარმოადგინოს შემდეგი საბუთები:

1. მოტივირებული განცხადება სსიპ - თბილისის სახელმწიფო სამედიცინო უნივერსიტეტის რექტორის სახელზე;
2. საშუალო განათლების დამადასტურებელი დოკუმენტის ქსეროასლი;
3. სრული ამონაწერი სტუდენტის სასწავლო ბარათიდან;
4. ვაჟებისათვის - სამხედრო აღრიცხვაზე ყოფნის დამადასტურებელი დოკუმენტი;
5. მოქალაქის პირადობის მოწმობის ასლი;
6. ორი ფოტოსურათი (3X4, ელექტრონული ვერსიაც);
7. ცნობა შეფასებისა და საგამოცდო ეროვნული ცენტრიდან ერთიან ეროვნულ გამოცდებზე მიღებული შეფასებების შესახებ;

III. პრეტენდენტების განცხადებების და დოკუმენტაციის რეგისტრაციის, გადმოყვანის წესით ჩარიცხვის მსურველ პირთა საბუთების შესწავლისა და სტუდენტის მიერ ათვისებული უმაღლესი საგანმანათლებლო პროგრამის აკადემიური ცნობის შესახებ მოტივირებული გადაწყვეტილების მიღების მიზნით შეიქმნას სხვა უმაღლესი საგანმანათლებლო დაწესებულებებიდან თბილისის სახელმწიფო სამედიცინო უნივერსიტეტში მობილობის მსურველის ცოდნისა და უნარების საგანმანათლებლო პროგრამასთან თავსებადობის დამდგენი კომისია (შემდგომში კომისია) შემდეგი შემადგენლობით:

1. ხათუნა თოდაძე - ვიცე-რექტორი;
2. რიმა ბერიაშვილი - ვიცე-რექტორი;
3. ირინე კვაჭაძე - ხარისხის უზრუნველყოფის სამსახურის ხელმძღვანელი;

4. თინათინ ჩიქოვანი - მედიცინის ფაკულტეტის დეკანი;
5. საერთაშორისო მედიცინის ფაკულტეტის დეკანი - დავით თოფურია
6. სამსონ მღებრიშვილი - სტომატოლოგიის ფაკულტეტის დეკანი;
7. დალი ბერაშვილი - ფარმაციის ფაკულტეტის დეკანი;
8. ირაკლი მჭედლიშვილი - საზოგადოებრივი ჯანდაცვის ფაკულტეტის დეკანი;
9. ლელა მასხულია - ფიზიკური მედიცინისა და რეაბილიტაციის ფაკულტეტის დეკანი;
10. რუსუდან რუხაძე - სასწავლო პროგრამების მართვის, შეფასებისა და სტუდენტთა რეგისტრაციის დეპარტამენტის უფროსი;
11. ნინო ვეფხვაძე - სამეცნიერო მუშაობის კოორდინაციის, მაგისტრატურისა და დოქტორანტურის სამსახურის უფროსი.

IV. კანონმდებლობის შესაბამისად განსაზღვრულ მისაღებ სტუდენტთა რაოდენობის ფარგლებში, სტუდენტთა გადმოყვანის წესით ჩარიცხვისათვის აუცილებელია:

1) კომისიის მოტივირებული დასკვნა იმ უმაღლესი საგანმანათლებლო დაწესებულების პროგრამის აკადემიური ცნობის შესახებ, რომელშიც პირი სწავლობდა, მის მიერ მიღებული სავალდებულო კრედიტსაათების გათვალისწინებით;

2) მობილობის წესით ჩარიცხვის მსურველ საქართველოს მოქალაქეებს ჩარიცხვის წელს ერთიან ეროვნულ გამოცდებზე ჩაბარებული უნდა ჰქონდეთ შესაბამის წელს თბილისის სახელმწიფო სამედიცინო უნივერსიტეტის შესაბამისი საგანმანათლებლო პროგრამისთვის განსაზღვრული საგნები და თითოეულ მათგანში გადაღებული უნდა ჰქონდეთ თსსუ-ს აკადემიური საბჭოს მიერ დადგენილი მინიმალური კომპეტენციის ზღვარი, გარდა იმ პირებისა, რომელთაც სურთ მობილობის განხორციელება საზოგადოებრივი ჯანდაცვის და მენეჯმენტის პროგრამაზე.

3) საზოგადოებრივი ჯანდაცვის და მენეჯმენტის პროგრამაზე მობილობის წესით გადმოსვლელ სტუდენტებს ჩარიცხვის წელს ერთიან ეროვნულ გამოცდებზე ჩაბარებული უნდა ჰქონდეთ შესაბამის წელს თბილისის სახელმწიფო სამედიცინო უნივერსიტეტის შესაბამისი საგანმანათლებლო პროგრამისთვის განსაზღვრული საგნები და თითოეულ მათგანში გადაღებული უნდა ჰქონდეთ ერთიან ეროვნულ გამოცდებზე სახელმწიფოს მიერ დადგენილი მინიმალური კომპეტენციის ზღვარი.

4) დიპლომირებული სტომატოლოგის (ინგლისურენოვანი სწავლება) საგანმანათლებლო პროგრამაზე მობილობის წესით გადმოსვლა განხორციელდეს მხოლოდ პირველ, მე-3 და მე-5 სემესტრში.

V. თსსუ რეესტრში ასახავს სტუდენტთა ჩარიცხვის ბრძანების პროექტს და მასთან დაკავშირებულ ინფორმაციას მართვის სისტემის უფროსის ინდივიდუალური ადმინისტრაციულ-სამართლებრივი აქტით დადგენილი ფორმის შესაბამისად.

VI. განათლების მართვის საინფორმაციო სისტემის დადებითი დასკვნის მიღების, თსსუ-ის მიერ დადგენილი სწავლის საფასურის გადახდისა და სტუდენტის პირადი საქმის წარმოდგენის საფუძვლებზე, თსსუ-ის რექტორი გამოსცემს “უმაღლესი საგანმანათლებლო დაწესებულებებიდან თბილისის სახელმწიფო სამედიცინო უნივერსიტეტში გადმოყვანის წესით სტუდენტთა ჩარიცხვის თაობაზე” ადმინისტრაციულ-სამართლებრივ აქტს, რომელიც გამოცემიდან 2 სამუშაო დღის ვადაში აისახება რეესტრში, ხოლო 3 სამუშაო დღის ვადაში იგზავნება მართვის სისტემაში .

VII. დაევალოს საქმისწარმოების სამსახურს (ნ. ჩიხრაძე) უზრუნველყოს ამ ბრძანების განთავსება უნივერსიტეტის თვალსაჩინო ადგილას.

VIII. დაევალოს საზოგადოებრივ ურთიერთობათა და პროტოკოლის სამსახურს (თ. სტეფანიშვილი) წინამდებარე ბრძანების განთავსება თსსუ-ის ვებგვერდზე.

IX. კონტროლს ბრძანების შესრულებაზე განვახორციელებ პირადად.

X. ეს ბრძანება ძალაშია ხელმოწერისთანავე.



პროფესორი ზურაბ ვადაჭკორია
რექტორი